

摘藻堂四庫全書薈要

集部

欽定四庫全書薈要

集部

蘇門集卷二



欽定四庫全書薈要

蘇門集原序

嘉靖甲午冬東在史館時蘇門高子業由晉陽入朝京  
師會都亭下明年東罷史職出僉湖湘憲事又明年丁  
酉子業由晉陽轉湖湘為觀察使從游省署中累兩月  
而東棄去行湖北子業乃病病十餘日死矣嗟哉悲夫  
子業蓋嘗謂東曰余生平所嚮慕兩人後渠崔子謂余  
文不如詩崆峒李子謂予書不如詩詩乃不如文矣寓

內知交非子誰定吾言悲夫已矣子業既死之三月東  
乃收其遺言而叙之文有知者弗論論其詩

序曰夫詩以微言通諷諭其教溫柔敦厚為主本不通  
於微不底於溫厚不可以言詩由三百篇迄於唐其指  
一也我國家以經義科諸生詩道闕焉洪武初沿襲元  
體頗存纖詞時則高楊為之冠成化以來海內蘇豫搢  
紳之聲喜為流易時則李謝為之宗及乎弘治文教大  
起學士輩出力振古風盡削凡調一變而為杜詩則有

李何為之倡嘉靖改元後生英秀稍稍厭棄更為初唐之體家相凌競斌斌盛矣夫意製各殊好賞互異亦其勢也然而作非神解傳同耳食得失之致亦畧可言何則子美有振古之才故雜陳漢晉之詞而出入正變初唐襲隋梁之後是以風神初振而縟靡未刊今無其才而習其變則其聲粗厲而畔規不得其神而舉其詞則其聲闐緩而無當彼我異觀豈不更相笑也蘇門高先生子業夙稟降嵩之精早契藏山之旨性隣其庶學匪

待興束髮就傳受知北郡李公弱冠登朝亳州薛考功  
一見歎服五言示志遂忘形焉良其弘麗之益異乎求  
聞通解之妙曾無先覺矣既雅見推重益自貴珍謝絕  
品流因心師古涉周秦之委源酌二京之精秘會晉餘  
潤契唐本宗每有屬綴佇興而就寧復罷閣不為淺易  
之談故其篇什往往直舉胷情刮抉浮華存之隱冥獨  
妙閒曠合於風騷有應物之冲澹兼曲江之沉雅體孟  
王之清適具岑高之悲壯詞質而腴興近而遠洋洋乎

斯可謂之詩也其言滿萬其年三十有七悲夫先生雅  
性亢潔不喜凡庸雖跡在周行而情懽在野故其在讀  
書園諸作特超玄乘雖屢仕通顯非其素衷是以即事  
賦懷每有憂生之歎夫志士惜日達生玩世古今人情  
諒同斯揆矣詩凡三百一十首文五十一首共為八卷  
成一家之言刻之山堂傳諸其人明州陳東撰

欽定四庫全書薈要

蘇門集目錄

卷一 考功稿

省中春夕

冬至日

御溝魚

明月引

秋夜直省中



冬夜寄友人

送陳秉中之吳

至日懷大梁諸友

魏安福文瑞傷其師地官左君然俾為是詩

再調考功作二首

歲暮作

贈西原二首

江翁輓章

秋情

臘日

生日

數詩壽顧中舍太夫人

代贈李使君兵備齊郡

酬家兄秋日讀書平臺見憶之作

出自薊北門行

初侍御巡鹽山西

古詩二首

病起偶題

謁海上人相

元日時有御製詩

初去都夜

延津縣立春

安陽道雪中呈崔後渠先生

漳河上元日寄呈後渠

行至車騎關河南界盡處與親知別

登真定大悲閣

途中遇樊少南便別行至安肅縣作

安肅縣樓作

安肅縣寺病居漢陽董玄亮見過時董奉使還

闕

謝病後初朝

簡友人始至京師

寓居慈仁寺遊覽

與王庸之飲

歸自蕭氏園作

毘盧閣上同伍疇中諸公西望

寒食日毘盧閣上寄茂欽

送車氏之齊河二首車長葛人

飲任文選宅

與鄒生遊香山宿僧房

華嚴洞上夜作同鄒生

送仲實黃門扶持還固始

晚出都門登寺閣

送別家兄張掖門時謫開州

簡子陽廷評

雨中簡子仁員外

送閻公甫赴保定太守

送別伍庫部謫居

被言後作

簡表永之獄中

送別永之

送別德兆武選放歸

送皇甫博士重補曲周

贈送蔡蘇州考最還郡

送張比部允清歸養

中秋同栗夢吉飲

送管平田先生領封秦府歸省

送大宗伯介溪公南都十二韻

歲暮答許武部廷議懷歸

再移居

送抑之侍御謫興國

送許國華之靖州太守

至日省中

齋居偶題



壬辰生子

春夕同李考功道舊

送陳永和鈞改官之真定學曩府君教處

再去都別親知

秋日贈別諸進士二首

卷二 讀書園稿

始至讀書園

元日同谷子延賦

子修侍御見過時謝病

再同子延上方寺賦

敘懷二首

空同宅海棠樹下賦

酬尉士量見過

呈劉西坡先生將按部洛陽道出小園

酬李考功茂欽寄憶之韻

移樹道上

寄亳州薛考功

晚步

觀游人

寄憶茂欽員外

霍開府載酒見過

少年行

春日行

春日省臺諸公設飲不赴作

與客遊宋戴樓城門九老泉上

答谷司僕見問

與霍將軍集和大齡莊

紫團山人歌贈上黨栗夢吉陳州之弟

賦得嶧山碑送李東升明府

與客集和氏園

曉還城休左氏莊

夏日林枋田家六言

晚過陳蓋鄉時寓居廢寺

從陸道函問命

得張子家書

東原晚望答李鴻漸

初秋谷司僕杏山別業

贈別永和陳明府秉中余與秉中同舉于鄉今  
十年矣秉中始以親老乞教馳驅江海所懷未  
盡遷官西去遇於故園之間倉卒離顏情意吐

申鬱鬱無已詩凡二百一十字

逢李淮安

揚州門主人

雨後有懷子延

秋日感懷即事

和汝南見過

東壁偶題

九日登城樓宋故都門

友人設飲病不赴

送別蕭司勳

逢友人

偶題

秋夕

感事

曉起

王元玉偕鄧應和見過時元玉將北上

曉出前林

簡李伯材

夏夜同袁德延騎出宿村家

酬左舜齊林中冬夕見寄之作二首

晚出曹門北道

冬日西園

西園再酬谷子延

谷司僕田黃門諸公見過



與諸公登舍右古城

次韻田水南見過之作

劉西坡函山二先生見過

招友人

宴王禮部紹甫諸君

將去故園時有令請告三年削籍

將赴京述懷

卷三 晉陽稿

河西主人壁

武城漕河逢張使君考功舊寮

歸途大名晚行

初登太行山

至蘇門山二首

權店晚行

十一月朔考義道

太原縣西十里亭逢張景周憲使歸田

文水縣驛壁讀王司僕德徵詩因和其韻

清源縣作

交城縣壁

汾州憶家兄時自虞衡郎中左遷同知嘉興

十二月十四日有憶子陽仲材諸人一首

至日晉府拜朝同曹仲禮

靈石山行

襄陵縣庭

夜次冷泉關用呂太史韻

遼州上元立春城西寺同孟東潭作

遼州即事

沁州次壁韻

分水嶺晚行

再次權店

褫亭聞邊事用壁間李川甫韻川甫大梁人

送馮廷評還闕用韻

潞安道公衙罷

由關子嶺發兵入綿上

清源縣再作時上疏乞解官

奉次艾峯侍御送李叅政平寇後擢任南陽之  
韻

汾陽道暮晴奉和姜侍御

孝義道曉發

施同寺是日奉陪姜侍御不及

冷泉寺

奉酬姜侍御見贈之韻

盤陀驛再用沁州壁韻一歲中四出此路  
四月望後二日奉壽永和松山殿下八韻  
秋日早起偶題

提調山西試院贈諸廣文二首

九日河汾書院雨雪陪諸公宴集

贈亢思謙入會試因寄京師同遊

齋中檢舊業因呈孔文谷學憲

宴別文谷先生赴祁州

余吾驛壁

送楊方城中允拜表赴都

發平定

井陘道中

得京邑書次新城作

良鄉壁間舊題間有虞衡家兄和句

過真定呈周中丞

春日同上黨栗道甫登毘盧閣

出都

寒食定興雪中

定州道

再次真定城別陳秉中時自京西還

星軺驛雨中別林八南還

再赴晉陽太行山上作



避雨五嶺山

再過紫巖寺

雨後柏井同方體易

自柏井還平定山行用西坡座主韻

飲平定孫太守宅奉贈時壽八十二

壽陽東寺閣憶體易

太安阻雨有懷都下諸友

還自鳴謙山行用前韻時體易使君亦至

平定城東西交口用壁間韻

宿八角

晚趨忻口

忻口趨五臺一首

途經五臺山不及攀游

偏頭關傅節度宅守歲

再出太原赴石州

仲春山行

經向陽硤

還自石州作

三月二日交城大雪

鳴謙驛夏夜

寄家兄祠部郎中時自嘉興同知量遷

辛廷評慮囚後喜雨

省中夏日述懷

賦得蟠桃核奉壽朱使君太夫人

赴平陽之役次冷泉關

霍州旅次

送方體易秋日入都用韻

南關晚行

歸次南關驛作

奉別南山瀋國殿下用韻二首

沁州張源鋪

卷四 入楚稿

量移湖南用文谷韻

陽曲灣作

二月十日至尉氏

許州城南道行酬左君舜齊招隱之句

襄縣城東即事

龍泉鎮作

呂潭境上

漢江春日舟中

初泛漢江東峪使君邀飲習池

自承天進船暮至潛江寄郭舜符

省閣率爾題寄同懷

廣視堂作

夏日作

銅雀妓

以下軼稿

題馮正伯卷

檢校戎器

病居

主客行

門有車馬客行

應僕

中秋無月

秋思

雜詩

感秋二首

贈別茂欽

送許廷議

駕出

駕入

讀史二首

送張子魚太嶽叅議用家兄韻二首

海口

晚行



讀書園始遊覽

酬空同載酒見尋二首

東郊雨中柬士量

秋郊雨後

喜蕭司勳表比部見宿山園

刈禾了晚望

谷杏山宅田水南限韻賦喜雪

題東門壁

寄霍山人歌

呈枉顧諸君子

簡思仲

九月六日元玉侍御汝愚都使上方寺閣

九月十日晚登城樓同川甫

元玉送至河上夜飲作

淇上

昆廬閣雪後招儀曹諸同游

金  
五  
日  
人  
之  
目  
録  
與仰之閣上限韻

贈子晉

人日省中同正夫

重五日宴集張宅

送許中丞抹水出撫畿內

奉和太保桂洲公二首

赴晉渡黃河

將歸蘇門山題王度支誠甫潼川卷

進兵介休

送馬二來視其弟遂歸上蔡

別顧武祥

送劉侍御叔正周侍御時伯視學南北

除夕

歲十一月皇陵山上作

鄭師周石村卷題三首

禁中遇雪時有詔祈之

自西園移向城東稍幽寂

送別袁永之

九日有懷家工部兄

西園讌集譚侍御空同本貞二憲使

秋夕憶兄

飲酒空同海棠樹下分得一字

夏日田水南別業二首

陽春曲

秋日

雜詩

賈令驛

靈石縣作

星軺驛

南關驛壁間韻

還次陽武與孔文谷飲和其韻二首時冬至後

七夕賦得牛女

夜懷家兄時有七歌示叔嗣

讀薛考功所註老子

書壁

卷五序

送仲純李君赴四川建昌道少叅序

送麥元實之貴州提學序

楊方城公母太夫人壽序

送何進士元述惠州教授序

送徐君崇教江陵明府序

贈山西王都司朴守中都留守司序

贈楊方城公上山東布政左使序

贈曹堯我公上順天府尹序

贈陳中川公拜山東按察使序

鄭太夫人壽序

送張東田伯翔致仕文

南山詩序



研岡先生集序

撫平錄序

再作老子集解序

太平經國書序

栗上黨集序

栗陳州詩序

任吏部集序

內鄉王殿下謁園廟序

老子集解序

刻二張詩集序

卷六

記銘

讀書園記

東讀書園記

定非亭記

潞安府亭遊記

清心省事堂銘

樊氏堂銘

西征記

以下軼稿

西征後記

乞終養疏

乞養疾疏

與孔文谷書

與李少穎書

答袁永之書

卷七 碑志

山西八角堡新置守備碑

新遷賈令驛碑

嘉平渠碑

遂成鎮碑

汾州馬跑泉碑

北墅李公墓表

王先生配陳氏合墓墓志銘

霍上蔡墓表

袁處士公墓志銘

鄒縣訓導陸公配陳氏楊氏李氏合墓墓志銘

封君黃先生墓表

樂安李封君誄

卷八 雜著

說直一首贈卮山先生

釋訓

權說

卜隱

贈恭川李大夫詞引語

策秀才文二首

祭鄭虔州文

祭晉溪公文

祭翟母太夫人文

山西鄉試策問二首

以下軼稿

題馮文堂集序

題刊高氏日程後

臣

等謹案蘇門集八卷明高叔嗣撰叔嗣字

子業號蘇門山人祥符人嘉靖癸未進士授

工部營繕主事歷官湖廣按察使叔嗣少受

知於李夢陽弱冠登朝薛蕙一見歎服晚年

自訂其詩文曰蘇門集陳束序而行之當正

德嘉靖間夢陽以詩學倡導海內學者無不

從風披靡叔嗣獨以清和婉約為宗密詠恬  
吟自標新穎雖未嘗顯與夢陽樹幟而舉所  
為拆洗含剝之病不啻一舉空之李開先謂  
何李雖似大家去唐却遠蘇門雖云小就去  
唐却近王世美亦謂李何尚有廢興徐高必  
無絕響是當北地盛行之日而深識之士俱  
已信其必傳迄今繹誦遺篇其沖澹清腴實  
有不可名言之妙王世貞藝苑卮言評叔嗣



詩為高山鼓琴沈思忽往木葉盡脫石氣自  
青說者以為善於形容馬之駿又舉羊孚所  
云資清以化乘氣以霏遇象能鮮即潔成輝  
四語為其詩贊人亦許為篤論蓋當時作者  
如林而語風雅之正聲要當以叔嗣為稱首  
固非沿流逐波者所得而比擬也乾隆四十  
一年七月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書薈要卷一萬七千三

集部

蘇門集卷一

明 高叔嗣 撰

考功稿

自叙曰嘉靖三年余繇工部營繕主事調補吏部稽勲已而再調考功時三原今光祿卿馬伯循為郎中鈞州今江西按察使張子魚為員外郎武城今國子祭酒王純甫同為主事海內方

更化學士大夫相與講文藝之事翕然甚著而  
三先生皆當時號大儒余日聞所未知翰墨間  
作其後各以官遷替去而余出為山西叅政蓋  
一紀於今余於是取往日所為詩讀之凡所作  
裁如旦夕間爾精神惝怳因以太息何則余少  
竊不自度思建功業垂不朽之譽今已稍陵遲  
上睹日月之易邁下悼齒髮之將衰感古之豪  
士能自樹名堅莫踰金石矣豐碑彝鼎一旦化

為砂礫載績史冊後至有未嘗見其書者名豈  
足言耶且夫同室之人銜杯酒笑語猶不能相  
信而欲俟百世之後耶年壯氣盛回思頗自笑  
此身譬如落葉隨風東西因時榮枯草木何擇  
焉方其吐英擢秀流傳譜牒與賢士何異何所  
加損哉固知亦不足歎矣時方徙居冀寧道初  
秋朔稍亡事因次其語載之篇首觀者知余懷  
所由起云蘇門山人高叔嗣題

省中春夕

纖月升庭樹柔風動四榮坐窺宿鳥至微悅觸幽情南  
國流鶯滿西郊春草生歸歟假羽翼長路起遐征

冬至日

迎氣發陽管窮躔歷衆星我行歲一晏千里隔趨庭圭  
測愁中永雲容望外停簪裳實滯跡夢寐何由寧

御溝魚

陰陽陶融萬物一軌惟其所在有生有死故賦

云爾

鯨沼滄溟派龍池禁籞流錦鱗何澆濁素水日沉浮地  
接皇仁渥天容品庶優風雲終有氣綸餌始無憂江使  
聞遭宋波臣或泣周詎知沕穆理得坎故悠悠

明月引

滿地金波迴中天玉鏡飛有烏多夜語無鴈不春歸影  
徹銀河水光翻織女機何當御尊酒常此奉澄暉

秋夜直省中

鵲繞瞻堦樹雞栖入省臺  
蒙煙仙署合懸月瑣闌開  
伏枕南天遠聽笳北地哀  
潘生應髮變秋興賦序司馬倍腸迴  
為木同先伐積薪異後來  
無言秋夜永申旦自徘徊

冬夜寄友人

客地殊不樂褰裳夕望通葭灰  
欲變節桂魄幾乘空楚奏今維切  
商歌古亦窮兔園推上客狗監數文雄  
留滯無萱草扳援有桂叢何因辭世網  
去矣作冥鴻

送陳秉中之吳



燕薊子分袂吳門千里遊風期夙不殞雨散使人愁目  
送青山斷心馳滄海流音容如可假夢寐一相求

至日懷大梁諸友

浮食變寒暑鳴玉供朝趨量力恨短弱更歲塞王途陽  
候浮天紀陰風出地隅感時頻自惜盈抱無新娛澄醪  
屢泛卮高齋坐自持佳晨拘省署何似并游時素雪交  
北下青陽客南移往歡徒駐目祇足攪歸思引領托長  
謠情興何蕭條同懷在萬里勞望阻今朝豈有憂難解

桂無隱易招願為皎皎駒共食故場苗

魏安福文瑞傷其師地官左君然俾為是詩

共擬丘明作誰云大雅亡時惟憂鵬集物以忌蘭芳垂  
泣驚相弔興言耿不忘鳳毛空挺異雞舌但餘香恨積  
涇流咽愁深省樹蒼招魂會有述一為訴巫陽

再調考功作二首

弱冠發大梁慷慨多奇志師事鳴臯子擔簦竊自異幾  
窮柱下策頗識壁中字雖非國士才通人嘗予器始辱

狗監知終奉龍門  
贄弛負歸中朝持戟備末位  
孤根難為容名過易生累  
一官歲再移彌取簡書忌  
眷然懷夙昔回首日增愧

引疾三上書微願不克諧  
從官復在茲心迹一何乖  
軒裳日待旦閭闔凌雲排  
入屬金馬籍出與羣龍偕  
積賤詎有基履榮誠無階  
但惜平生節逾久浸沉埋  
既妨來者途誰明去矣懷  
鳥迷思故林水落存舊壚  
惟當尋素業歸卧守荆柴

歲暮作

旦夕茲歲改蕭條旅思多雲物媚晴宇氣候屬妍和崢嶸新陽至故景實蹉跎感時豈不懷二紀倏焉過栖身慚擇木望道歎伐柯如匏吾自繫匪玉孰為磨有髮日就長心短獨若何但云畢夙志唯力豈知他

贈西原二首

昔予潛夷門同聲慕俊豪耳習長者風心馳亳丘勞共家大河側一水連波濤壯齡竊邦譽拔足叅時髦吾子遂見知微才受虛褒傾蓋歛自值倒屣趨相遭忘年當

異代終日託同遨同遨詎幾時時變忽我撓詩人咏吸  
泣賢者憚鋪糟送子今出居流言尚莫逃撫膺空踟躕  
念別心鬱陶芝焚良有歎膏在那無熬惜乏靈均辭為  
君綴離騷

平生好篇章抗迹匹古人上望建安風退沂開元津夙  
心空十載長懷莫予親家本握剖劂文思效經綸恭承  
時嘉會中朝邁俊民興文方栖鳳著書準獲麟置足述  
作場發藻何彬彬心賞始一遇神交邁千春將登昔無

金方 卷一  
岸言卜今有鄰分離忽迫茲辛苦何能陳晤對不可期  
咄嗟動我神本抱中孚爻戢傷明夷辰子其崇爾德攄  
光垂不泯

江翁輓章

太息懷高士常聞卜隱年一丘伴麋鹿三葉珥貂蟬遂  
啓專門業還資肯構賢藏舟稱太遽流恨向遺編

秋情

涼風吹庭樹蕭然已暮秋歲運空云往客行胡久留良

時每易失微志果難求餘光儻可積但恐成山丘

臘日

壁昏時告遷懸象馳北陸朔風起庭隅白雪塗我屋客  
遊豈不久鑽燧頻改木祗役兼秋冬餘力不遑戮辰策  
幾犯星宵暝疲案牘自顧鉛刀質安能久持祿先民有  
逸行抽簪入空谷我懷中園游曷云反初服

生日

年往望空除時來循虛至明兩無留畧吹萬有逸氣我

行淹一周茲辰適再值束髮歲更七筭齒紀將二少懷  
滄洲心壯損青霞志淮禽終異化魏瓠始同棄五游存  
予歡三費亡吾忌達生庶不疚乘流隨所寄

數詩壽顧中舍太夫人

一鳥自丹丘翩翩何陸離二儀含景氣金母來西池三  
角挾上元飄飄等宴娛四牡翼雙虬後車載雲旗五芝  
結福地下采永相貽六樂列仙倡玄鶴整其儀七盤舞  
湘君廣庭自委蛇八珍羞水玉療我忽忘飢九醞安足



重流霞方泛卮十洲尚延佇黃髮謝修期

代贈李使君兵備齊郡

執象流玄化包虎息金革還憂十二郡選屬備疆場獨  
資樽俎士折衝展奇畫陽文辨赤土陰符訪黃石坐控  
負海險時蒐孟諸澤功成象岱泰洪烈歸竹帛光命祇  
今辰申贈繞朝策

酬家兄秋日讀書平臺見憶之作

予在長安初授衣平臺誰共掩郊扉青天寺裏客應到

李白祠前葉欲稀旅舍再驚鴻鴈至離心常伴鵲鴿飛  
亦知相望相思苦欲學仙人縮地歸

出自薊北門行

北望何蒼蒼黃雲亘塞長匈奴寇漢壘鳴鏑遮甘涼龍  
堆坐已沒狼烟行相望將軍被嚴命倉卒備封疆出師  
憂太白募士乏中黃努力一再陣沫血不相當還思闕  
輔險頃歲何流亡內地困飛輓中人無蓋藏填瘡力易  
屈土崩患難量欲陳九折術惜非醫國良

初侍御巡鹽山西

漢家事邊財已屈始置鹽官佐邊實征權盡籠山海利  
均輸未免公卿失肉食寧知藿食憂富國不暇富民謀  
朝廷經費貴取足文學當年寧見收古來猗氏稱國寶  
舟車輻輳河東道頗聞大賈巧乾沒轉見疲人色枯槁  
繡衣持斧出西鄰却望關山驚虜塵匡時不必資鹽筴  
為訪魚鹽遯迹人

古謠二首

荆和當路泣良璞為誰明  
茫然大楚國白日失兼城  
燕石十襲重魚目一笑輕  
古來共感歎今予益吞聲

黃河決孟門捧土安可補  
君子被微言擢髮不能數  
衆毀積鏖金羣言倏成虎  
吁嗟復吁嗟有懷予莫吐

病起偶題

空齋晨起坐懽遊  
罷不適微雨東方來  
陰靄倏終夕  
臥不知春茫  
然怨行役  
故園芳草色  
惆悵今如積

謁海上人相

京邑驅匹馬日有塵沙顏清晨整巾幘時叩高僧關白  
日照仙閣晴雲滿空山相看偶一笑念此客身閒富貴  
不可求余將從此還

元日時有御製詩

端冕趨三殿垂衣值七春帝歌時睹舜天樂曉聞鈞  
迂謬疲郎署遭逢謝俊民欲將草玄老猶愧子雲身

初去都夜

泛舟當日落解佩及春歸病比相如是情方叔夜非煖

金方口人卷一  
雲蒸海氣殘月吐洲暉今夕孤懷客誰云伴少微

延津縣立春

征路日纔幾客心時已煩春風花鳥處回首憶田園

安陽道雪中呈崔後渠先生

開歲物始和首路風猶急淅瀝冒晨雪陰靄窺春日驅  
車臨故疆遊子情非一伊昔本丘樊養此頑鈍質但願  
得豐年耕稼事已畢又戀聖明朝不敢安私室撫身媿  
前賢卷懷良無術非公存明德吾志當誰述

漳河上元日寄呈後渠

落日銅臺北獨行  
南望頻鄴城  
今夜月燈火可憐春  
行至車騎關河南  
界盡處與親知別

山河未可盡行處  
與春長驛路沙俱白  
關門柳欲黃  
親知還自反離別  
各相望且緩征車發  
中心戀故鄉

登真定大悲閣

關山千餘里  
平分南與北  
臨路兩悠悠  
客子情何極  
青山地北橫  
白日天南落  
欲緩故園思  
聊馮最高閣

途中遇樊少南便別行至安肅縣作

驅馬一相見悠悠難再逢  
客心春夜月官舍白溝鐘  
不免徵名累其如多病慵  
空臨南北路愧此平生蹤

安肅縣樓作

恬曠少有志牽拘茲無成  
已自宦王朝誰能離官程  
殉祿歸京邑抱病滯山城  
憂來上高樓農人正春耕  
感念故園居蕭散中田行  
新泉滿深池芳草夾路生  
日夕為誰歎所愧當年情  
吾生未四八豈遂貪華纓



安肅縣寺病居漢陽董玄亮見過時董奉使還闕  
門前易水路下馬漢陽人野寺天晴雪他鄉日暮春相  
逢一尊酒久別滿衣塵不憚王程急應憐伏枕身

謝病後初朝

舊識趨朝路重來謁帝庭出門聽曉漏立馬望春星拙  
病身仍在羈栖志少寧盛時誰不戀終日憶山垌

簡友人始至京師

始自辭京邑終將守敝廬猶來殉寸祿今我情何如千

里門前路三年袖裏書懷君不相遇日但恨頑疎

寓居慈仁寺遊覽

終日仙宮掩青松繞殿遮到來長春草行坐落天花閣  
上王城盡門前官路斜微身隨處是何敢歎無家

與王庸之飲

旅舍背都門春風酒一尊坐看芳草路回憶故山村為  
客難稱意逢人未敢言留君須醉倒無奈日黃昏

歸自蕭氏園作

到來日已暮歸去戀柴門空自山當舍其如酒滿尊心  
知柳葉長愁見桃花繁立馬一回首令人思故園

毘盧閣上同伍疇中諸公西望

客來常一上對此西山平向夕簷楹立憑空閣道行楊  
花飛暮野雨色動春城却戀同攜手都忘羈旅情

寒食日毘盧閣上寄茂欽

高樓晴出帝城南楊柳千家夜雨含欲換春衣驚客久  
況逢寒食思誰堪門前歸路愁心繞檻外羣峯僻性耽

憑報故人應相笑微身何事戀朝簪

送車氏之齊河二首車長葛人

昔予與夫子讀書汴水南今纔綰縣印我乃厭朝簪落  
魄時難識離魂日不堪都門春復晚須對酒頻酣

聞道齊河縣應將長葛同近關愁驛使小國想民風作  
吏情如此為儒數好窮聖朝莫不用徒自失豪雄

飲任文選宅

敢謂齊年齒常嗟夙抱心文章知汝在交契為誰深華

屋春燈豔層城夜析沉賴蒙終夕語客路一開襟

與鄒生遊香山宿僧房

遽愁春草歇驅馬春山中夜宿禪關下時將心賞同風  
生近谷滿月照前湖空終愧淵明輩玄言對遠公

華嚴洞上夜作同鄒生

宴坐最高頭馮巖散客愁俯聆玉泉響仰眺金波流伐  
鼓山堂夕焚香石殿幽與君學栖遯他日更相求

送仲實黃門扶持還固始

一路通淮水從親千里餘到門繫舟楫登岸啓園廬洲  
富千頭橘溪深盈尺魚明光待起草且莫賦閒居

晚出都門登寺閣

柳葉桃花雨夜乾今年寒食在長安淹留不為依雙樹  
蹭蹬惟應笑一官行出都門當日暮到來客舍已春闌  
芳菲滿眼心無奈祇上毘盧閣上看

送別家兄張掖門時謫開州

垂泣一相送臨途無限情功名何物是流落此心驚夢

裏窺鄉樹愁邊滯帝城終朝誰復語猶去戀塵纓

簡子陽廷評

終日祇緣此微官奈若何世情堪歎息身計任蹉跎客  
鬢涼風早鄉心夜雨多故交誰復在無厭數來過

雨中簡子仁員外

積雨曠朝暮層城苦沉沉端居誰與言抱此懷人心一  
為軒冕拘遂使名迹侵長愧玄豹姿隱霧南山岑君通  
微妙理佇想開塵襟

送閻公甫赴保定太守

郡城三百里北望即皇都  
驛路客常滿征繇民未蘇  
門臨白溝水山繞太行途  
君到為良吏平生仰壯圖

送別伍庫部謫居

開秋庭樹落旅館日已涼  
高空氣蕭條萬里鴻鵠翔  
子有江南行離別結中腸  
貧病憂方集無能具一觴  
平生寡交遊逮此盡分張  
讒言亂白黑賢聖昔徬徨  
顧我賤且愚如君則何傷  
榮名不足為憂患莫可量  
聖朝非棄



才大君如虞唐茲邦佳山水遨遊保樂康窮達難預謀  
願君履其常

被言後作

高材多負憂潔身易招累余生本頑疎何取當年忌守  
官郎署間恒若臨高墜分過每自驚名微久知愧中歲  
反故丘三載甘斤棄秉操苟不堅出處成二致復此還  
京邑長路果顛躓赫赫明聖朝賢俊駢足次懸爵待天  
庭但非通時器人言敢誰尤默默傷夙志

簡袁永之獄中

本同江海人俱為軒冕誤子抱無妄憂余有多言懼昔  
來始青陽今此已白露豈乏速進階苟得非余慕罪至  
欲何言直以愚慵故衆女競中閨獨退反成怒追誦古  
時人蒙冤誰能愬皇心肯照微與子齊歸路

送別永之

憐君方遷戍况我嬰愁疾一別若流雲相從竟何日平  
生託交遊弱冠弄篇帙書願藏名山功期銘石室安知

事不就跌宕情如一已矣復誰陳今亦反蓬蓽

送別德兆武選放歸

燕郊秋已甚木葉亂紛紛失路還為客他鄉獨送君  
罷歸時共惜棄置古常聞莫作空山卧令人望白雲

送皇甫博士重補曲周

辭邑初耽寂攻詩每燕居貧家滿坐客閉戶一床書  
襍被情何忝腰章意已疎問君趨府處高興復何如

贈送蔡蘇州考最還郡

漢家存舊令侯國有斯人

漢法侯國人  
不許備宿衛

純綯諸生貴金

貂帝族親登朝賈誼少拜郡孟舒頻半刺官猶薄全吳  
化已馴誥頒鸞紙潤板露鶴書真上最登王典中和頌  
使臣才憐同舍屈情以異鄉伸臨路何如贈期君樹德  
新

送張比部允清歸養

鼎食思歸養拂衣懼遂初深辭西署寵獨守北山居伏  
臘趨庭屢鄉閭進壽餘架樓藏紫誥閉戶讀丹書吳嶠

秋成橘江門日薦魚親顏老更悅取樂欲何如

中秋同栗夢吉飲

罷酒俱不樂開簾望北軒寒星出戶少秋露墜衣繁散  
步憐新詠平居想故園空庭今夜月客思豈堪言

送管平田先生頒封秦府歸省

五等周分國三王漢世家日聞敦帝族時見遣皇華翦  
土仍鶉首疏邦自犬牙秦關通使節灞水渡征車過邑  
恩難屢登堂禮更嘉何如北山客行役動長嗟

送大宗伯介溪公南都十二韻

露板承懽渥天書拜寵靈  
春官典邦禮風后佐王庭  
出入登三事遭逢起一經  
持衡人莫眩講殿帝親聽  
妙思黃華句雄篇繡補銘  
龍文生赤汗鸞翮奮青冥  
暫枉神都遠同追祖帳停  
二京分代理八座備儀形  
仙櫂花催發官途柳為青  
微生荷翦拂孤跡困飄零  
空謝伸眉日多愁短髮星  
公還衆所祝強飯念朝廷

歲暮答許武部廷議懷歸

掩閣日愁晚他鄉歲已深未能逃世網豈是戀朝簪以  
我不如意憐君同此心故園春事及歸路儻相尋

再移居

僦居屢傍禁垣西曲巷重渠路轉迷萬事無能心盡懶  
一官何補首常低歸衝落日時驅馬起伺朝天每聽雞  
濡迹自傷非宦業綸竿終有故山溪

送抑之侍御謫興國

別離無奈客心煩直道南遷荷主恩臨路加飡好自愛

平居握手更何言連山楚雨迷官舍隔縣鄉音認故園  
君到江州定回首同遊霄漢幾人存

送許國華之靖州太守

零落同聲和者誰憐余今恨得交遲榜中初已收名士  
卷裏常因見好詩漢邸拜官懷綬日楚邦行縣卷帷時  
政成他日看循吏黔郡生祠第一碑

至日省中

慣逐官僚後欣逢郊禮嘉蒙恩賜冬假拜手慶年華暫



亦休朝馬閒唯待暮鴉人言郎署好畢竟未如家

齋居偶題

自免知何病重來尚此身愁多長畏客宦拙竟隨人日  
鎖空庭印風添滿几塵山田薄亦好不去豈關貧

壬辰生子

客賀當長至渠生履歲和更衣起自慶醉酒坐同歌身  
世浮沉甚田園蕪穢多吾今只若此知爾復如何

春夕同李考功道舊

下馬春庭夕明燈夜雨深人多新歲感日有故園心磨  
減名題柱淒涼賦賣金十年同省舊誰念各如今

送陳永和鈞改官之真定學曩府君教處

厭事嘗疑拋縣印之官又見向儒宮城臨沱水新橋在  
路繞恒山舊驛通乍到士人應認姓試詢父客幾成翁  
經中更廢蓼莪講坐處青氈恨頗同

再去都別親知

少缺經世用遭遇明時康出入在省闈仰逐羣賢翔譬

如駕馬足側畏道路長顛躓不終朝中歲還故鄉願言  
守舊廬沒齒乃其常皇恩究微物明照收羣方改服起  
漁樵端笏陪鵷行頑疎果難容進退益多妨猶參大藩  
居守此國西疆華階豈不崇榮進非所望退念孤蹇跡  
臨路私自傷無為世俗牽久要不可忘

秋日贈別諸進士

陪役忝南宮文場收數公名加周鼎重價敵楚金同遽  
向公車別先愁客位空一尊良已薄慰此路西東

別館敞秋晴離筵蕩客情致身付公等分手使人驚陽  
鳥迎霜動陰蟲候夕鳴贈言何以歎虛薄愧吾生

蘇門集卷一

欽定四庫全書薈要卷一萬七千四

集部

蘇門集卷二

明 高叔嗣 撰

讀書園稿

自序曰老子有言知我者希則我貴夫人不期  
於世之知而何較貴賤耶余素弗攻於辭戊子  
以吏部郎中謝病歸於家開封當郡縣孔道應  
接稱煩余於是徙之城東田中依舊廬稍葺治

以居家貧遂力農事月裁三四至城而已當是  
時李空同先生方盛邑子之屬出其門撰為文  
辭模於古人若宋蘇軾唐韓愈薄不為也余私  
心不能無慨慕時時竊撰一二篇庚寅歲所著  
獨多踰年余既上京師斯事乃罷夫本非所長  
而強力慕之度必取譟於衆然其篇留笥中甲  
午余分守冀南將按縣晚出文水方初冬新雨  
已車行村虛景色如故園余恍然太息其夕宿

汾州燒燭披取笥中詩事歷歷在目低回久之  
夜不能寐非特憾於詩也曩者不能取容故退  
而耕於野丘園之樂使人忘老而余不自持復  
且苟焉干祿渙忍於今犯詩人胡顏之詬其知  
於人也蓋希矣然則余豈貴邪老子之言明其  
玩世也已汾州多文士暇因出是篇正之高叔  
嗣題於清心省事齋

始至讀書園

金史四庫全書  
卷二  
疲繭違時好歸來踐夙懽田園深自託朋舊肯相寬挂  
壁尋耕耒刈林選釣竿亦知身寂寞長冀賞心觀

元日同谷子延賦

雄都盛賓客車馬爭馳騫芳辰啓初年宴飲多所務不  
知灌園身何為迷方誤郊館抗空壑山扉啟峻路良朋  
平生歡就我今朝步城因並舍登徑為穿林度微陰原  
上明片日雲中露青霞照深池白雪停幽樹共貪歲欲  
新不厭日旋莫農田方在茲君豈數能顧



子修侍御見過時謝病

郊扉臨巨壑野日照晴空柳色春衣上波光曉鏡中當  
軒留駟馬出戶倚雙童欲問朝簪懶人今卧病同

再同子延上方寺賦

已忝陽春遊再陪瓊瑤作首歲與君同名區踐初約芳  
風散入林陰靄遞相薄微雨點春城流雲蕩仙閣樓當  
望遠立酒共馮高酌樹裏梁王臺水際夷門郭伊余本  
孤蹤事主乏明畧偶因負郭田解印歸丘壑閒居道心

增日戀空門樂安得拙病軀放達長此託

叙懷二首

生長夷門郭往來莘野路家貧無良謀躬耕有遠慕始  
窮伯王畧遂覽生民故曰余本空疎當年恣高步慶彼  
鳴鶴期忝此飛龍顧亦知敝帚材早享千金誤日月不  
我留撫心慚往素

伊昔迨弱冠奮足參賢豪衣褐出下國脫輓造中朝聖  
期開九五河清在一朝升龍假玄淵鳴鳳託芳條五從

宰府辟連荷公叔招名過有瑕額道在無矜驕猶全不  
肖軀解冕來逍遙

空同宅海棠樹下賦

花下一壺  
酒為韻

良辰隨繫馬仰面看名花二月芳林畔春風柔且嘉不  
惜花陰薄愁窺日景斜

花覆金杯中客坐磐石下芳條媚曉堂新雨驚春夜共  
拾落英妍翻恐繁華謝

酒半向高堂不知送白日隔林見花景皓月東方出欲

試暗香發彷彿情非一

暝色起花間向夕景更殊游絲挂花片燒燭坐庭隅  
懽至不知醉唯憂竭玉壺

手栽海棠花庭前歲已久客來能賦詩花開常飲酒  
主人龍門才今日成白首

酬尉士量見過

勿以歸來早其如疾病何朝朝故園裏寂寂古城阿  
自入深林牧閒當大道歌知非蔣生徑求仲爾來過

呈劉西陂先生將按部洛陽道出小園

喧言洛陽去卓蓋首行春尚枉柴門步應憐伏枕身柳  
條簇官騎雪色沒征輪公問袁安事平生解避人

酬李考功茂欽寄憶之韻

別離方此歲談笑欲何時外物都相累中心只自持身  
迷五柳傳手把四愁詩零落親交盡如君能不思

移樹道上

春園就蕪穢雜樹生蒙密不知雨露功長養何多術婆

娑使人憐斬伐終余恤乘時聊徙植于以託吾室交生  
兩相當列映直如一轉令門巷新遂放雞豚出修修原  
上風團團村邊日紛吾本蹇劣兼爾抱憂疾敢學成都  
桑而謀荊州橘願及垂陰成初志儻此畢

寄亳州薛考功

少年不識字持戟仕金門萬事蹉跎豈自料一官憔悴  
與誰言上書昨日辭天子還從闕下歸田里束縛始自  
重為人激昂尚欲酬知己不悟名輕世果然翻嫌計晚

身如此便爾深林學遜栖家貧那免仗畊犁腰鐮暮向  
夷門北倚杖朝過莘野西伐木手營一茅宇披榛力灌  
幾藥畦篋中筆硯無時把肘後詩書坐懶題往往頑癡  
衆所疑悠悠端合困明時聞君解註五千字

考功頃宅  
注老子

畔仙窟定所知此日低頭應笑我平時開口却為誰

### 晚步

出門還自笑復此欲誰親惆悵村頭樹歸來路口人風  
聲兼亂葉日氣抱遊塵豈不躬畊苦東看是有莘

觀遊人

大道通遊遨傾邑出車馬  
玉管移高堂金鞭臨曠野  
盡踏芳草中時歌花樹下  
浩蕩春思盈留連莫愁寫  
回看巖石間顚顚躬畊者

寄憶茂欽員外

閒居已可懽况復乘嘉月  
山鷺日自鳴園樹皆爭發出  
從草際歸行傍村頭歇臨流  
或漱齒倚杖乃散髮此時  
正憶汝振珮趨丹闕



霍開府載酒見過

列坐青郊映容門，畫戟雄晴原獵騎。  
外春草舞筵中玉珮邀，皆至金尊狎與同。  
無將灌園意錯訝，楚三公。

少年行

死士結劍客，生年藏博徒。  
里中夷門監，牆外酒家胡。  
有時事府主，無何擊匈奴。  
虎頸一侯印，狼臂兩雕弧。  
誓使名王侍羞聞，邊吏誅長驅。  
隨汗馬轉鬪，出飛狐蒲壘。  
遂破滅莎車，不支吾甲第。  
起北闕，蠻邸開東都。  
豈學票姚

將椒房仗子夫

春日行

大隄花欲然芳郊草不歇  
冶服誰家子良辰爭馳突  
寶劍本侯家金鞭自俠窟  
共矜百金裝相誇千里骨  
雲散懽未終月明還城闕  
朱門徒御稀青樓歌管發  
倡女盡朱唇貴主俱鬢髮  
衣向車中更燭從坐上沒  
誰論墻東生白首羞干謁

春日省臺諸公設飲不赴作

不能營世務拙病屬相尋偶隨飯牛侶遂此逃人心東  
郭春復晚三歲忽於今臺臣猥垂念張燕情何深公門  
隔崇重華館肅沉沉賓客盡來集冠蓋中如林恨以微  
病在芳尊不共斟抽筆對來使日夕起長吟

與客遊宗載樓城門九老泉上

草屨相攜處田家水郭間林風動衣帶泉色照容顏軟  
草留堪坐芳花折與還春城一散罷車馬更難攀

答谷司僕見問

幸自返中國非關逃微祿方因疾病餘黽勉供樵牧春  
至東郭田夏來北林木時從遠原上日縱平郊目野老  
逢與言道書閒能讀何為共世人無事相追逐勞君問  
出處日莫掩茅屋

與霍將軍集和大齡莊

暫息城隅駕欣隨票騎筵園林窺勝地談笑接高賢花  
外仍張樂林中正擊鮮晚來車馬散歸就故村眠

紫圍山人歌贈上黨栗夢吉陳州之弟

紫團高山檠青雲生賢吐瑞合氤氲二馮卓犖

奉世野王

不

可睹栗家兄弟殊不羣陳州一出驅五馬令弟二十窺  
三墳博物自識顯陵策對人能讀嶧山文今日漢家方  
貴少歸來結綬朝明君

賦得嶧山碑送李東升明府

秦皇千載後嶧頂尚遺碑斷石青山路孤城滄海湄蕭  
條餘霸氣磨滅想雄辭君到鳴琴暇應多弔古思

與客集和氏園

惟君遊每接自余居多暇留連上客筵款曲中園駕賦  
詩芳泉側舉爵茂陰下放心安知憂攜手不能罷日氣  
澹將夕雲影垂方夏為農信可歡世自薄躬稼

曉還城休左氏莊

與君枕隄日共結東城廬日出蒼林背回看十里餘柴  
門通大道村巷隔平墟主人無事見客頭未梳累言  
惟農務一飯但園蔬方當數來往肯為容籃輿

夏日林枋田家六言

手疏偶然辭主腰鐮率爾為農今日田園自許平時車馬相從

雨後千家競似雲中萬木齊高路口來過杖策牆頭方挂桔槔

芳樹不知冬夏荒城何計春秋有客今辰攜手無人終日科頭

輕屐會臨池上方牀好坐林間酌酒壺乾未已賦詩坐久忘還

斜日深林度鳥微風亂柳鳴蟬茅屋人歸水際柴門路  
繞天邊

欲笑於陵逃井還輕顏闔移家顧我何營世務對君但  
惜年華

晚過陳蓋卿時寓居廢寺

不識禪宮廢來從客舍看如何種竹趣相對雨花壇新  
雨開晴景微風起夏寒淹留未忍去華月在雲端

從陸道函問命



壯年方自顧多病會相乘山澤思長往榮名懼莫勝浮  
雲寄宇宙野鹿返丘陵舒卷隨其適優游焉所懲從君  
問季主倚伏欲何馮

得張子家書

晚日照餘晴荒亭暗復明歸雲度深樹飛雨過高城蹇  
劣慚當代栖遲笑此生空持一書札長歎故人情

東原晚望答李鴻漸

東原晚望草烟齊久卧無心出路迷閒立秋風看木落

獨行斜日聽烏啼一官已謝於陵後百畝纔開莘野西  
此地故人應念我逢人昨有數行題

初秋谷司僕杏山別業

田廬元自接談笑竟相從是日當農暇秋風動客客開  
尊臨積水解帶挂長松欲去城東陌留連聽暮鐘

贈別永和陳明府秉中余與秉中同舉於鄉今十  
年矣秉中始以親老乞教馳驅江海所懷未盡遷  
官西去遇於故園之間倉卒離顏情意吐申鬱鬱

無已詩凡二百一十字

十年宦未達萬里猶一官適從何方來又陟晉山巒拊  
髀忽自笑把臂聊相懽伊昔被絻褐同步入長安遭時  
賜顏色當年厲羽翰君獨念老親吳門彈儒冠高堂甘  
旨薦學舍首蒼盤遲回竟蹭蹬感激生愁酸衆中見年  
鬢坐上論溫寒明鐙對深夕還作故鄉看嗟我病狗馬  
昨亦謝鵷鷺無才媿明主仰荷恩波寬種豆白石岡垂  
竹清水灣

白石清水  
皆今時名

大夫貴適志出處預難觀寸心向

誰是逸氣徒莫干君其安小邑鳴琴到可彈石樓與永和自古稱彫殘不見太公望神靈泣灌壇世云石樓永和多扶左道引秋風動當夜白露簷前漙一別更何所不覺起長歎

逢李淮安

悵別各千里忽逢指寸心明鐙不自意故國乃相尋寒館鳴秋雨高城結暮陰胡為疇昔願江海尚如今

揚州門主人

空林一葉落茅屋幾家秋對酒涼風至開簾古木幽相

看還自笑欲去為誰留正此夷門下休猜姓是侯

雨後有懷子延

驟雨新秋晚微晴墟落間悠然抱藜杖率爾倚柴關空  
壑纔容水流雲故滿山遙知城市裏應羨此身閒

秋日感懷即事

盛時畏易衰修名患難立伊余心不逮年命降將集素  
髮今已垂畫省昔嘗入感往慕寵靈憂來戀鄉邑咎本  
懷璧招時豈羸糧及坐見白露漙行方朱火戢小人安

金史四庫全書  
卷二  
故丘始願終能執

和汝南見過

晚日留仙轡涼風勸客尊  
偶然擊筑伴依舊抱關門  
樹落千重葉蓬吹萬里根  
病身一如此誰念在孤村

東壁偶題

阜帽遼東客青門漢代瓜  
寧知汴水上更有野人家  
巾服臨秋換壺觴自遠賒  
閒身與逸興並向物情誇

九日登城樓宋故都門

佳節倚秋城。朋曹晚相逐。竊憐坎廩心。暫寓登臨目。  
日落故鄉杯。霜寒遊子服。百里覽山河。千年看陵谷。  
生欣盛時康。追歎亡王促。帝功頽九五。霸氣消百六。  
猶能識宮觀。但見登樵牧。縱酒在高樓。悲歌對喬木。  
身同司馬病。懷異步兵哭。舉頭望長天。萬里來鴻鵠。  
默尋階除降。獨去歸茅屋。

友人設飲病不赴

荒村猶病卧。空媿故交深。復有高堂宴。無如伏枕心。  
寒

郊懸日影平楚帶秋陰向夕東城望寧知佇立吟

送別蕭司勳

柴門夜語罷惆悵出前林曉日孤村映秋風落木深別  
來生白髮歸去換思心還復茅簷下朝朝鳥雀吟

逢友人

幾年別京縣昨日詠歸來本無奔蹏用且養擁腫材窮  
巷在東郭柴門臨路開經時到城市累月迷蒿萊傳君  
渡漢口八月朝天回鞍馬落秋風賓客滿高臺相尋重



款聚相慕屢遊陪客舍不洒掃衣冠多塵埃懽然握手  
笑對面無嫌猜方思在霄漢賓友如雲雷春天浮屠館  
夜雨皇州杯鷓鴣各善賦鸚鵡皆天才看君振藻翰江  
鮑力能裁聲華俱美矣懷抱何悠哉而我獨病困于今  
翻自咎長鳴戀傳匹蹇步安駑駘賞心夙豈在離限茲  
仍催故園乘秋景黃葉紛如摧長天隨道路落日徧城  
隈贈言無終極蓄意獨徘徊

偶題

久為南畝客況此北窗時  
翻笑陶元亮應多歸去辭  
涼風昨夜起殘雨夕陽移  
坐卧身無事茫然生遠思

秋夕

問年有短髮逐世無長策  
日已遠人徒秋方卧阡陌  
天高星流火夜久月生魄  
萬形觀此化四運愁相迫  
身非塞北翁情是周南客  
聊齊得喪心安此留滯迹

感事

涼風摧高木夜雨生秋草  
蟋蟀吟東壁霜露凝西牖  
志

士感夙心嗟此頽光早靜言執玄德長揖解鴻寶亮乏  
嘉遯節尚慕丘園道古人逝不存何用抒懷抱

曉起

惆悵空堂曉蕭條秋氣陰懸窻對疎雨落葉滿重林長  
往懷仙事端居養道心誰知歲復晚高志莫能尋

王元玉偕鄧應和見過時元玉將北上

霜落歲方晏田園空復情念君重離別邀客到茅荆晚  
日農夫語秋天鴻鵠鳴坐中問疇昔無事解朝纓

曉出前林

理櫺聽鳴禽，舉帷望朝旭。快然登前林，烟芳紛滿矚。秋晴帶餘陰，夜雨生新綠。道勝絕紛華，情愜關幽獨。在天羨白雲，凌風慕黃鵠。賞心久已違，感此勞中曲。

簡李伯材

抱病敢稱隱，端居祇自驚。林臯白露下，庭際綠陰生。偃蹇時方笑，蹉跎歲屢征。惟君重幽賞，共此郊園情。

夏夜同袁德延騎出宿村家

景落息炎氛輕策稍相試微風送林木皓月臨平地路  
遠忘前期情愜隨所至田父止我宿茅屋勸客醉起步  
中天空仰對明星次一貪雞黍筵三歎前賢意軒冕愁  
束縛江海傷憔悴且願為老農敢謂辭高位明發返故  
墟弩力看身事

酬左舜齊林中冬夕見寄之作二首

霜葉落漸空暝鳥飛俱罷出門歲已闌倚樹人方暇映  
月眺烟郊了自見茅舍下有飯牛朋商歌滿初夜

攜手自京都歸心乃疇昔豈不戀明恩久持金門戟今  
日故園身殘歲空堂夕含情亦何言塵耒挂東壁

晚出曹門北道

晚日郊關迴寒冬筋骨勞不知臨曠野何事走平臯斜  
路孤村引空園亂木高歲闌今去卧誰認在蓬蒿

冬日西園

泱泱空寒野蕭條只舊林登高時送目望遠日愁心世  
與身為累負將病轉深無能學袁盎閭里共浮沉

西園再酬谷子延

茅屋還相見冬郊那可聞  
荒城連凍浦落照與寒雲  
遠樹行時倚歸途到處分  
留君終日語猶自日思君

谷司僕田黃門諸公見過

山林高士駕雞黍野人心  
不避家貧饌難忘歲暮尋  
寒城雲際擁晴樹雪中深  
誰念平生意幽栖獨至今

與諸公登舍右古城

積雪嚴寒當此地尋幽尚有故  
交能穿林斜路逢人過

旁舍高城共客登  
玉樹望中梁苑盡  
金湯行處宋都曾  
留君貰酒柴門晚  
何獨山陰興可乘

次韻田水南見過之作

夜雪連窮巷  
朝來片日暉  
故人停駟馬  
問我掩雙扉  
自出知誰是  
相看能爾稀  
家僮釀酒熟  
獵伴射禽歸  
草具成賓饌  
木綿對客衣  
歲寒心不淺  
日暮意難違  
客興催花發  
農功候鳥飛  
期君前浦泮  
預指釣魚磯

劉西陂函山二先生見過



簡畧缺世用守此郊扉居天寒草樹盡卧病情何如臺  
臣存舊好宴飲及吾廬伊昔趨天階俱銜君子惠提攜  
文苑游出入鵷行綴良時未可忘世故身相繫安知尊  
酒同歲暮荒城際無輕一日歡乖離幾更歲

招友人

散髮終朝偃舊林墟中無事肯相尋數家砧杵驚秋早  
滿院蒿萊對夕陰多病祇堪謀藥物微官何敢污朝簪  
濁醪漸熟來同醉無限蕭條歲暮心

宴王禮部紹甫諸君

寒日轉高館微晴冬朔餘窮巷多冰霜車馬盈我廬良  
朋四方來各擅當年譽言論吐中堂溫如春華舒枚鄒  
久不存梁苑為丘墟千載得斯人燕好同其初嘉會不  
可常古人言豈虛有酒今不懽歲晏情何如

將去故園時有令請告三年削籍

出身本疎慢秉志惟山潛請告及三歲拘迫時禁嚴欲  
出乏明畧退處還自嫌朱紱繫我腰仰戀明恩霑不能

遂舍此安敢尚久淹且當整駕去三歎顧閭閻

將赴京述懷

請告有嚴程命降不遑安行子起自視當此歲已闌出  
門冒雨雪所畏非天寒上戀高堂養下顧同生懽將乖  
意方切欲去情彌難豈乏躬畊餘可以供晨餐終媿達  
人心不能棄朝冠平生亦有志臨路但長歎三年保閭  
井國恩良已寬



蘇門集卷二



總校官庶吉士 臣侍 朝

校對官編修 臣閔惇大

謄錄監生 臣吳魯田